

輝縣志

卷四
卷六

卷五

第叁册

世 150.12
36
世 150.23
36
: 3



輝縣知縣黔筑周際華石



地理志

疆域 形勢附

輝縣屬河南衛輝府在

京師西南一千四百里省城西北二百里府治西六十里

東西廣九十里南北袤一百一十里

正東至王村舖石橋新鄉縣界二十里

東北至柴家莊汲縣界二十八里

東南至鄭家屯石橋新鄉縣界二十里至新鄉縣四十里

輝縣志

卷四

地理

疆域

一

正南至南雲門新鄉縣界二十里

西南至吳村修武縣界七十里至修武縣一百里

正西至薄壁鎮六十里折北至平店山西陵川縣界一

百一十里至陵川縣二百三十里

西北由十八盤進至礮底陵川縣界一百四十三里

正北至侯北川鹿嶺山口林縣界九十里至林縣一百

八十里

形勢 附

輝縣介於衛晉太行西峙餘支托環共山列其左泉水繞其右平陽上黨此其咽喉慎守之責視他邑為重焉
邑治偏東南隅其西北境遼遠空曠又阻高山明季西

山爲盜賊淵藪後復有鹽梟李奎俊之亂查前代侯北川鴨子口俱設巡檢司思患預防亦綢繆未雨之意蒞斯土者撫百里之封與爲保障當思有以審處之也
祥異

漢

成帝河平元年正月壬寅朔日月俱在營室日出赤
安帝元初六年二月地震

魏

咸熙二年十一月太行山崩

北齊

天保八年河北蝗

魏縣志

卷四

地理

形勢

祥異

二

唐

武德二年三月太行山聖人崖崩有聲

顯慶五年春旱

永淳二年大旱

中宗神龍二年冬不雨明年旱饑

元宗開元三年河北水蝗 十二年七月旱 十五年

牛大疫八月大水害稼 十六年饑

德宗貞元元年春大饑斗米千錢死者相枕

文宗太和四年饑 九年春饑

開成三年秋蝗

後唐

明宗天成二年旱 四年有年

〔後周〕

廣順二年河北諸州旬日無鳥

〔宋〕

太祖建隆二年河北大旱

乾德二年夏蝗

太宗太平興國二年七月蝗蟪生 七年春旱

淳化二年旱

仁宗天聖二年大旱蝗 六年五月己卯大蝗

明道二年七月庚辰蝗 三年雨赤雪

嘉祐六年七月霖雨傷稼

耀縣志

卷四

地理

祥異

三

神宗熙寧元年八月地大震數刻不止有聲如雷城櫓
民居大半摧覆壓死者甚衆 三年八月旱 五年大
蝗 六年蝗 七年自去秋七月不雨至夏四月 九
年八月旱

元豐二年春旱

哲宗元祐四年春地震

徽宗崇寧元年夏蝗 三年大蝗 四年蝗

〔元〕

世祖至元五年秋七月鷓鴣食蝗時蝗生牧野鷓鴣自
西北來方六七里間林木皆滿將蝗食盡作陣飛去
二十七年蝗

延祐元年地震

泰定帝三年四月饑

順帝至元十七年大饑大疫 十九年五月大蝗飛則

蔽天止則滿塹人馬不能行

明

宣德七年有年

正統元年旱蝗

成化十七年二月地震 十九年三月七日陰霾是年

秋至明年春大饑人相食 二十年五月大旱

宏治十五年九月十七日酉時地震有聲

正德二年十二月大雪五日平深一丈 十四年五月

縣志

卷四

地理

祥異

四

初五日未時黑風晝晦

嘉靖三年正月五星聚於營室是月地震春民饑 七

年大旱蝗 八年春大饑人相食 九年有年 十七

年大蝗 十九年蝗 二十年大蝗 二十六年木星

逆行留營室 三十二年大饑 三十四年閏十一月

十三日夜地震有聲

萬歷十年旱蝗 十二年正月二十六日大雪震電

十三年秋大旱 十四年自春正月不雨至夏六月大

風 十五年三月三日申時地震有聲如雷城堞摧圮

屋宇動搖大饑大疫四月五月大旱大風 己酉年大

旱人攫食於市死者枕藉 丙辰年除日地震天鼓鳴

丁巳年秋蝗食禾殆盡至嚙人衣 戊辰年大有斗麥
二十錢 乙亥年大蝗

崇禎戊寅年蝗秋不雨麥無播種 己卯年三月大風
霾晝晦秋七月大饑 庚辰年大蝗秋盜起十月斗米
千錢人相食 辛巳年大蝗食麥人疫死者十之八九
莊村盡成邱墟

國朝

順治六年四月二十二日寅時地震 九年夏霖雨二
十餘日平地湧泉倒壞城垣二十餘丈民房倒塌無數
十一年四月冰雹損麥 十三年春三月大風沙霾晝
晦 十四年旱 十五年旱麥秋薄獲 十六年二月

輝縣志

卷四

地理

祥異

五

晦日大風雪牛羊凍死者無數

康熙六年七月蝗蝻自縣東數十里如水西流地上厚
三尺四寸遍野盈城曲房邃室無處不到人家井不蓋
蔽須臾皆滿 七年六月十七日戌時地震 十一年
夏六月大水衝去民房無數衝壞山田九十餘頃 四
十七年四月二十九日未時地震 五十九年至六十
一年旱荒

雍正元年癸卯大荒藜藿一斗錢三十文榆皮麵價倍
之集市人相奪食鬻子女多逃亡六畜災是歲秋麥
缺耕不滿地下種者僅三分之一 二年甲辰有秋
減價 九年春旱至秋七月十三日始雨禾盡穉麥

可種種價每斗錢四百文

乾隆二年九月初七日地震 四年大雨水徧地泉湧
平陸生魚 六年旱 七年蝗 九年大有年 十三
年十一月初二日天鼓鳴 十二月除日雷 十六年
秋鵝鳥來好蝗生食禾殆盡八月初三日夜大雷雨蝗
皆聚於北山中厚數寸三日盡死 二十二年大水
四十年大蝗 四十三年旱 四十九年旱 五十年
春旱無麥斗米錢七百草根木皮皆爲飢民食盡秋禾
豐收民困始蕪 五十二年蝗 五十三年春旱秋大
水 五十六年旱 五十七年旱 五十九年旱秋大
水 六十年七月二十三日天鼓鳴

輝縣志

卷四

地理

祥異

七

嘉慶元年四月雨雹 八年五月雨雹秋有蝗 十年
旱 十七年正月十七日大風晝晦 十八年春旱八
月霪雨十日 二十一年大水 二十三年太行山石
崩裂

道光元年大疫 二年四月雨雹五月二十日星隕
三年正月初四日雷六月初八日三交口北山土石崩
墜壓死人畜甚眾 四年七月地震 六年旱二月二
十六日大風晝晦三月大風拔木 七年二月地震
十年大水閏四月二十二日地震屋垣多圯此後震動
無常次年五月始止 十一年秋大水十二月十一日
大雪平地深三尺許路無人行洩旬嚴冷凍雲不散

木凍死無算異鳥羣飛見食則下不復避人 十五
旱秋有蝗

關隘

侯兆川在縣西北六十里登十八盤踰石磧嶺連山四
障儼若城郭其中平曠數十里東北通林縣西北通山
西陵川縣卽宋岳忠武大戰處

國朝嘉慶十八年滑匪竄入輝境果勇侯楊芳殲賊於此
明洪武二年設巡檢司額設弓兵三十名萬歷間裁留
二十五名

國朝康熙四年缺裁

十八盤在縣西北五十里實四十八盤俗呼十八盤爲

輝縣志

卷四

地理

關隘

八

侯兆川之要道曲折盤旋約高五里南望蘇門燦若雲
錦北皆峻嶺勢如龍鱗上有石牆起自盤西嶺上至于
家莊或有或無直走司寨東大嶺及鹿嶺口北山去入
林縣境觀其形勢亦設兵戍守之地嶺上敵樓遺趾猶
存

鹿嶺口在侯兆川東北隅山上有牆牆東爲林縣界

三交口在雁翅口西北相距十餘里再越二十里至磧

底爲山西陵川縣界

狼石口在侯兆川正北兩山對峙中有石城敵樓扁曰

狼石雙巖嘉靖二十二年巡撫河南都御史李宗樞建

後溝口在侯兆川偏西北隅路通林縣山勢險峻亦前

明晉寇出沒之徑也

篩溝口在侯兆川正南山路崎嶇深約二十餘里南為黃水口

胡泉溝口在侯兆川西南隔山勢險峻深約四十餘里南為黃水口

石門口在侯兆川西北隔路通山西陵川壺關等縣兩峰對立如門山勢糾結怪石峻嶒香磨河之水衝其北勒鞞溝之水繞其南有羣山萬壑赴荆門之勢

雁翅坡在石門口西北相距十里連山跨水關門天險遇警則設兵戍守嘉靖間分守參政李克濁創建敵樓

扁曰雁翅衝雲以上任文煥採訪

潞縣志

卷四

地理

關隘

九

石門口在縣西五十里路通山西陵川縣山高路險上有古關門在焉

黃水口在縣西北五十餘里路通山西陵川縣

紫霞關在縣西五十里關踞山巔羊腸鳥道備極巖險俗名鴨子口西通陵川為兩省咽喉明成化元年設巡檢司額設弓兵四十名萬歷間裁留二十五名

國朝康熙四年缺裁

馬頭口在縣西五十里

薄壁口在縣西南六十里踰高山二十里至乾河與紫霞關台為一路

峪河口在縣西南八十餘里入山後與薄壁為一路

舊志

黃蟒嶺俗呼王莽嶺在侯兆川正西為行山絕頂王鐸有登陵川黃蟒嶺詩即此地也北為陵川界當秋日清明黃河一線村烟萬點皆在望中

馬武寨在侯兆川西山絕頂上有跑馬場亦土人因王莽嶺而附會之一人守關萬夫難近亦險要之地也

郭家寨在侯兆川西南行山絕壁之上石城敵樓尚在止一徑可上有數家山氓在內耕種

鐵叉寨在侯兆川西山絕頂石城尚在止一徑可通甚險

漢寨在侯兆川偏北山勢陡峭石城尚全

輝縣志

卷四

地理

關隘

十

齊王寨在侯兆川西北層山複嶺之中梯路數十丈越寨再上梯路為壺關界連山四障土肥水甘居人數家以上任文煥採訪

以上諸寨皆係明末土寇占據至川中不下十餘寨俱為民寨

潑池頭在縣東北二十餘里路通林縣舊志

山水 橋梁

山

太行山由縣西南環繞西北綿亘數千里直抵於海其在縣境者百餘里距縣治或四五十里七八十里不等西南曰駝峯正西曰石門曰九蓮曰紫圍魏曰白鹿西

北曰道人峯曰華巖嶺曰雙人峯曰瘦馬嶺正北曰玉柱峯東北曰黑龍曰百福隨地異名皆太行也縣北爲方山亦發脉太行巍然突峙爲輝邑主山一支直注東南爲滑山爲共山一支折而西南爲九山爲蘇門泉水出焉若鹿台若鰲來屹拱太行又縣境西北平地突起者也

〔駝峯嶺〕在縣治西南七十里峯起似駝居民數十家有田可耕雲中雞犬蓋仙境也

〔石門山〕在縣西五十里石壁如門中有三潭歲旱禱雨於此

〔九蓮〕在石門口內西北上有九峯形如蓮花故名東山名東蓮因西蓮得名路皆石磴甚險

〔紫團巍〕在縣西百里入石門口折而東北至暖窰又折而西四壁陡立攀躋無從昔人依山鑿磴僅可容足明少保李戴繼修之始可攀登約三里許達山腰稍寬平處名曰一天門再上則愈高愈險歷二天門三天門始達絕頂可容百十人上建真武廟俗稱小北頂明季爲盜賊所據石磴皆壞乾隆嘉慶間邱氏孀婦重加修理盡復其舊自一天門而北路通山西陵川縣古於此建立關門一夫長戟據險守之千百人不能過也

按此山及九蓮自前明中葉俱從山西割隸輝縣故舊志不載今增入

〔白鹿山〕在縣西五十里內建古刹林木森蔚石竇滴泉
漚而爲池流灌蔬圃亦勝地也山有石似鹿故名

〔道人峯〕在縣西北高山上

〔華巖嶺〕在縣西北七十里

〔雙人峯〕在縣西北百里高山頂上雙峯並立宛似人形
故名

〔瘦驢嶺〕在縣西北三十里山石巉巖露骨如驢故名

〔玉柱峯〕在縣北五十里孤峯如柱屹立山巔高可三丈
圍五尺許

〔黑麓山〕在縣東北五十里瘦驢嶺之東有古刹在半山
名黑麓寺兩崖壁立直通霄漢澗中細流穿石清冷可

輝縣志

卷四

地理 山

三

愛卉木垂蔭盛夏無暑今濯濯矣

〔百福山〕原名白佛山在縣東北三十里

〔方山〕在縣東北山形方正其上平坦乃邑之主山也

〔滑山〕在縣東十里共山之北

〔共山〕在方山東南一名共山首一名共頭俗呼爲共山
頭因衛世子共伯封地得名相傳共伯葬此一云共伯
和逍遙於此並存以俟博雅者

〔九山〕在縣北七里許方山之西南孤峯聳出俯視羣山
巔有古刹通志名九日山邑人以九日登高於此故名
一云山產野韭又名韭山

〔蘇門山〕在縣西北七里許一名蘇嶺一名百門山山下

卽百泉金明昌中因山名縣曰蘇門晉孫登隱此號蘇門先生宋邵康節卜隱山下單思學身今嘯臺安樂宮猶存山上有 至聖廟及 衛源廟諸祠宇倚臨清流金碧煥映元記所謂山水明秀甲於天下蓋謂此也道光七年知縣周際華植柏數百株倍增勝概

鰲來山在縣西北五十里 詳紀異

鹿台山在縣西北三十里平地突起一峯昔有羣鹿聚

於上云 以上舊志

轎頂山在侯兆川西山極高處遠望如鳥聳翼形家言係朝歌祖脉登其巔果見直起二龍一走東南一走東北中龍則至侯兆川而止或起或伏如雪波捲浪俯視

輝縣志

卷四

地理 山

人寰不啻蟻封蟻垤真大觀也

落伽山在香磨河楸溝峻嶺崇山羣衛於外靈巖翠岫環繞於中諸山之水自崖衝下瀉而為潭潭方畝許石雖自潭中直出高二十餘丈大半畝許巍然聳拔人莫能登上有小石廟不知何時所建

筆架山在落伽山西嶺三峯直出雲霄宛如筆架

聚荆山在侯兆川偏西北山勢陡峻上建真武廟俯視川中溝塍刻鏤原隰龍鱗一覽無餘俗號小金頂

水仙古龕在侯兆川西南懸崖之下濶十餘步長五十餘步內建三官廟廣生廟壁上編處水滴壁下編處水湧或側出或懸出或穴出激石穿雲灑為清流龕內石

如鍾乳微黑色如龍鳳如虎豹奇形怪狀不可殫述
苔細草嫩綠可愛龕西有樹一株緣壁而生勢若游龍
土人呼爲爬山虎其實則藤本也

〔雷竈山〕在侯兆川西嶺絕壁之上南北兩窟竈皆方圓
數十丈北窟人可行走倏忽霽暝風聲如雷南窟不能
登矣日映西眺如雙月岫山

〔蓮花洞〕在侯兆川西北蓮花嶺上萬峯插天洞在峯下
內有清泉良久一滴承以石蓮花盆夏不見溢冬不見
涸上爲陵川界以上任文煥採訪

〔天花洞〕在縣北七十里太行山內地名耿家樓舊志
〔旗杆腦〕在白土岡之南山近鹿嶺口其峯獨聳人莫辨

輝縣志

卷四

地理

山

山

其由嘉慶十八年滑匪入川果勇侯楊芳帶兵截殺札
營於白土岡翼日大戰豎旗於其上掘地尺許舊窟尚
在磚甃依然

〔立子山〕在南平羅東南里許平地突起平圓無稜石不
露骨居侯兆川之中上有古刹每年三月初八日商民
雲集通功易事居民便之以上葛向榮採訪

〔金掌山〕一名二郎山在縣西北二十里平地突起兩峯
南北對峙北山上有金掌寺郭宗栢採訪

水

〔百門泉〕一名珍珠泉一名拗刀泉出蘇門山下卽衛河
之源也中有三大泉或傳爲海眼以竿試之不知所底

滙爲巨波廣數頃淵通澄澈荇藻交橫水光山色互相掩映洵中土之奇觀乾隆十五年大加修築繞岸砌石南臥長橋以作屏障山水亭閣金碧參差倍增勝概見五

田渠

嵇公泉在百泉西北隅雍正四年總河嵇公會筠相地

開鑿流入百泉

以上舊志

程公泉在嵇公泉西道光十一年巡撫程公祖洛開鑿

與嵇公泉合

衛河

詳河渠

繞城河

詳城池

新河在縣南二里衛水支流萬歷四十五年知縣陳必

輝縣志

卷四

地理 水

五

謙以衛河南下一往無情疏開此河自張家灣引水東流至永賴橋又東至新橋折而南自三里屯西南流至胡家橋仍入衛河環抱城邑以培風水河久淤塞道光十年知縣周際華重加疏濬又於新橋東北添修滾水壩三道以防淤塞

蓮花泉在縣西五里晉水伏流至此始見上建晉祠其泉突出平壤翻沙叢湧狀類蓮花一名小百泉又名小南海

卓水泉在縣西八里平地湧出縈紆數畝上有紫薇觀其泉發源於卓水村下流與萬泉合

萬泉在卓水西平地出泉不可勝數因名萬泉與白沙

泉異源合流至九聖營南合卓水泉至南雲門入海
〔白沙泉〕在萬泉東水數武水獨清醜酒最佳
年間河憲私公會錫開穴之與萬泉合而為

〔丁公泉〕舊為邑人丁公所居故名其泉發源於王村下
流與焦泉張泉合而為一以上舊志

〔張泉〕在丁公泉東五六里郭境採訪

〔焦泉〕在縣西六十里其泉發源於焦泉營由王家海與
丁公泉合

〔梅竹泉〕通志名七賢泉又名竹林泉在縣西南六十里
山陽鎮泉湧平地澄鮮如練竹木叢翳景色幽勝即晉

諸賢棲隱之地也以上互見集田

輝縣志

卷四

地理 水

夫

〔金沙泉〕銀沙泉在縣西五十里白雲洞內左泉沙黃右
泉沙白交匯一池流里許伏入地

〔黑龍潭〕白龍潭二女潭在峪河口內一水貫注自大山
中來經平甸山村匯為一潭水皆黑色是名黑龍稍東

奔注懸崖百丈流為瀑布恍似玉龍倒掛盛夏雷雨交
作往往有白龍見潭中是名白龍居人因建廟肖龍像

以祀旱則致禱又南流四五里至山口鍾一小潭名二
女潭相傳有二女浣衣潭上忽見神龍出淫女皆墜潭

遂祀以為神云

〔寶泉〕在縣西七十里風門山半腰白石竇流出下注石
池可鑑毛髮至岩畔懸流瀑布或被長風自岸下吹捲

水皆倒撲岸上白日晴空飛雨驟至亦奇觀也舊爲明少保李戴別業今屬寶泉寺

三仙潭在縣西石門山口兩峯對峙水自中出滙爲三潭每潭可十畝水皆黛色相傳中有神魚人不敢犯或以瓦石投之隨有風雷雨雹潭上有三仙廟禱雨輒應其水流里許至白沙潭入地於沙窩屯西復出經田家莊南流與丁公泉合

黑麓潭在縣東北黑麓山又名絡絲潭潭上有廟禱雨輒應

龍潭井在縣南十五里南雲門水色碧綠寬深不滿丈旁側莫究其所通時有巨魚躍浮水面見人不避人有

輝縣志

卷四

地理 水

七

釣而食之者輒重病遇亢旱鄉人率祈禱於井際

三湖在侯兆川西山深處有三古寺寺各有一泉遠之滙而爲湖其水伏流入地故侯兆川無川人以其爲憾

舊志

瀑布泉在礮底陵川界上懸流數十丈聲如雷震隨風變幻若帛若龍如霧如雨冬則結成冰柱晶瑩透澈如瓊山玉島外實中空水自凌鏤漏瀉不異奏簫箏鼓琴瑟下滙爲潭流至石門中有水磨數十盤雖深山不異市井矣

任文煥採訪

石凹泉在上八里莊西北二里許石凹中出泉清冽

常遇圍數村資以汲取水常不竭

郭琬採訪

橋梁附

雙溪橋在縣西北五里百泉之水至此分流過此復合元皇慶二年建僅通行人明萬歷三十年延津李載募修改建石橋六空有楊暢春碑記

國朝雍正六年知縣張鏐重修乾隆十六年知縣文兆甬重修道光十年又修

善明橋俗呼大橋在縣西三里衛水經流其下金明昌三年建明宏治七年知縣李琮重修道光十三年知縣周際華倡捐重修橋東西路俱高廠平坦

三渡橋在善明橋西

新石橋在善明橋南明隆慶間邑民靳志建

輝縣志

卷四

地理

橋梁

六

迴瀾橋在縣西南三里舊以木為之俗名格欄橋明嘉靖四十二年改為石橋道光十三年知縣周際華倡捐重修

便民橋在迴瀾橋南里許明嘉靖十年邑民張倫建

利涉新橋在便民橋南三里乾隆

孟大炳採訪

利涉舊橋在新橋南邑民胡京建俗呼胡家橋

雲門橋在縣南十五里明宏治十五年知縣李琮創建以上九橋皆衛水所經

胡村店橋在縣西南三十里明洪武二年建

朱家橋原名廣德橋在縣西十里萬泉經流其下明嘉

靖 年修道光十二年知縣周際華倡捐趙八元等重
修橋東西十餘里路俱高敞平坦

興龍橋在縣東五里明萬歷四十二年義民張守智建
詳邑人王遵道碑記久廢

洪濟橋在縣東北十三里共山之東北萬歷四十六年
義民侯芳建

青龍橋在縣東十五里明天啟元年邑令陳必謙率義
民李楚創建詳僉事邯鄲郭佳鎮碑記乾隆二十七年

邑令文兆甌重修詳廣東普寧縣知縣邑人孟五金碑
記久圯和致中採訪

新橋在南關東南里許明天啟二年舉人李大漢創建

輝縣志

卷四

地理

橋梁

九

乾隆九年重修嘉慶十二年邑人王耀劉恭秦琳等重

修較舊寬五尺陳嘉謨採訪

畦雲橋在縣西十五里天啟五年里民郭朝光建

普濟橋在姚固晉僕射廟前明天啟六年趙崇光創建

久圯嘉慶十年村人重建小石橋一座以利往來趙八元採訪

永賴橋在縣西南里許明崇禎元年邑民谷得雨建

通濟橋在縣西南峪河崇禎四年生員何維崑建

金湯橋在城外東關順治十四年道人李清適建

利涉橋在縣東十里趙寧屯順治十六年汴人李之貴

重修道光二年又修

步涉橋在縣東南八里西夏峯順治十六年生員郭守

一建

萬金橋在城外西關康熙十六年邑民趙天祿等建

北流橋在縣西南四十里趙固南原名永固橋雍正八

年邑民韓起瑞倡建久廢

廣濟橋在縣東南三里

石板橋在縣西四十五里丁公泉南五里許

分水橋在縣西十里卓水經流其下乾隆十五年重修

北上橋在薄壁鎮北五里周繼熊採訪

蘭橋在九聖營村南道光十二年監生王溥王國珍張

謹陳大年等倡捐重修史緯經採訪

分水橋在便民橋東為新河之首道光十年重修

輝縣志

卷四

地理

橋梁

三

雙石橋一在胡家橋東一在東北相去數十步為新河

之尾道光十年重修以上孟大炳採訪

以上七橋始建未詳

古蹟坊表附

周

凡城在縣西南二十里周公子凡伯所封之國

共縣故城水經注云即共和之故國章懷太子云故城

在今縣東距縣七里遺址猶存據府志

古共城在今縣城外即共伯舊城週圍十里許遺址尚

存案章懷太子註宜為滑移治之所築

共姜臺在縣治內宅之東高一丈五尺或以為衛世子

共伯妻守節於此墓在其下元知州伯善建祠臺上有像祀之昔民間婦女歲以上元日入廟焚香乾隆十年另建祠於百泉之上臺上舊祠有司遊望行香互見祠祀齊王建舊居在縣西北七里蘇門山陂建齊襄王子始皇二十六年秦兵擊齊齊王聽相后勝之計不戰而降秦遂虜之遷於共處松柏之間餓死齊人怨建用客之誤作歌哀之歌曰松耶柏耶建共者客耶一作在建共者客也

漢

山陽故城一名鄧城在縣西南六十里鄧城村之北週圍九里四門遺址尚在曹丕廢漢獻帝為山陽公居此有廟存焉城內有泉水經注云長泉水發於鄧城西北今灌一城之田所產稻米甚佳

輝縣志

卷四

地理 古蹟

三

魏

重門城三國魏志齊王芳紹營齊王宮於河內重門水經註云在共縣故城西北二十里據府志

方城疑即重門城在縣西北二十里西史村廣二百二十步南門故址尚存

晉

嘯臺在蘇門山巔即晉孫登隱居長嘯處明正德十一年御史許完建祠臺北道光十四年知縣周際華奉

河北道文檄重修有記互見祠祀

竹林在縣西南六十里晉七賢遊隱處舊屬河內元以山

陽縣併入輝州今屬輝縣

〔七賢堂〕在竹林寺內祀晉嵇康阮籍阮咸山濤向秀

戎劉伶互見祠祀

宋

〔安樂窩〕在蘇門山均為宋邵康節所居即不燼不廢之

地也明成化六年知縣張錦因於其地建祠乾隆十五

年移建山麓道光十四年知縣周際華奉 河北道文

檄仍建故地有記互見祠祀

桃竹園在安樂窩之南按先生春郊詩序謂予家有園

數十畝皆桃李梨杏之類即此今舊址尚存乾隆十五

年創建擊壤亭於其內道光八年知縣周際華奉 開

輝縣志

卷四

地理

古蹟

三

歸道麟檄重修

擊壤亭在桃竹園內乾隆十五年建

湧金亭在靈源亭左泉水湧出日映如金故名金主簿

李夫瑞重建道光十二年知縣周際華增修

月臺在湧金亭西南泉上有石如月故名今無考

王都統營宋都統制王彥保共城西山時所築史稱堅

如鐵石今失其處孟大城採訪

侯兆川宋岳忠武復新鄉之明日戰於侯兆川即此

羅城水經注云淇水又歷羅城北寰宇記云山破陘東

之所內有南羅中羅北羅三城今侯兆川中平羅村蓋

其遺址以上據府志

金

蔡相園在百泉左係衛州河平軍節度使與敦之園所
云蔡相無考後改名集仙資福宮

噴玉亭原名百泉亭金明昌間建元許衡嘗與門生遊
咏於此明成化中叅議徐文溥扁以今名嘉靖三十四
年御史霍冀改建西渚與湧金亭對峙今靈源亭即其
舊基康熙庚午邑令滑彬重修遺址猶存

山陽廢縣金興定四年以修武縣之重泉村置山陽縣
屬輝州即古重泉城也元省為鎮一統志云在縣西南
七十里據府志

元

輝縣志

卷四

地理

古蹟

三

梅溪在百泉南里許衛水之涯為元耶律晉卿故居有
琴臺月榭多種梅花今仍傳梅溪之名而故跡不可考
按明志載梅溪詩有唐人張籍絕句云自愛新梅好行
尋一逕斜不教人掃石恐損落來花是梅溪之名自昔
已然特至耶律公居此而大著耳

太極書院在蘇門山麓百泉之左又名百泉書院

白露洲在清暉閣南泉流忽分過此復合洲中林木叢
茂覆以小亭士人於此遊賞今亭圯

明農亭在白露洲南梅溪之上元王惲建久廢

聚遠亭在蘇門山極高處取其可以望遠故名今無考

思親亭元許魯齋寓居共城與姚文獻諸公講學百泉

太極書院後其子師可官衛輝路總管觀其遊處之所而思之因建此亭舊志稱在聚遠亭前按孫徵君兩文正考言許文正遺蹟僅有師可思親亭碑在關帝廟中其碑文云亭在晉卿祠東隅今關帝廟舊碑亦無矣

三仙洞在蘇門山麓嘯臺東南隅石洞高丈許爲元邱處機劉處元譚處端三人修道之所有三清祠在其上明王教遊嘯臺記疑以爲卽晉孫公和所居遺窟董廷珪衛源遊覽記又云老子石洞並存以俟考

筠溪軒在縣西八里卓水泉上元道士李重元茅伯達建久廢

明

輝縣志

卷四

地理 古蹟

三

洗心亭在清暉閣東南明正德中御史李元建萬歷十四年知縣盧大中修前後軒各一間內作石池方廣數尺池水與泉通澄瑩如鑑盛暑可浴游者至此塵慮頓釋則亭所由名也今止存亭一間康熙庚午邑令滑彬重修乾隆十五年重修道光十三年知縣周際華重修

靈源亭在衛源廟前百泉北岸舊名百泉亭明嘉靖三十四年御史霍冀改建互詳噴玉亭內有泉竇曰聖水砌石爲井碑書靈源世傳唐薛仁貴搨刀於此俗呼搨刀泉

藏書閣在百泉書院內明嘉靖甲申提學副使蕭鳴鳳

檄知縣許瑄建久廢

思賢亭在百泉書院內明提學僉事車璽檄知縣李瑒

建道光十三年知縣周際華移建於白露園之東

清暉閣在百泉中初爲元郭子忠園內建小亭前有池方畝許植以蓮花翠色上浮因扁曰挹翠樓又名混混亭明正德中御史許完改爲穠翠亭又名宛在亭又名仁知亭萬歷壬辰縣令紀雲鶴改建爲閣三間四圍植以翠柏始名清暉康熙二十九年邑令滑彬重修前建飛虹橋橋南有坊由雲橋入洲上遍植桃柳頗增勝概乾隆七年臬司沈起元重修乾隆十五年又修道光十三年知縣周際華奉 巡撫楊檄重修有記

烟霞館在清暉閣西南久廢

放魚亭原名更衣亭在百泉東洲道光十四年知縣周

輝縣志

卷四

地理

古蹟

五

際華重建改爲噴玉亭

國朝

白露園在百泉正南四面環水舊志載爲新鄉許氏園後歸王氏爲叅政王紫綬別業康熙庚午秋叅政孫屋壽重構大廳五楹偏東月洞房三楹房南肺石一王漁洋池北偶談載明祭酒王勅得之太行山中卽此物也南有房二楹名嘯竹廬簷管深密不見日色地最幽勝西則臨水曲廊數百尺直達高亭名曰一方舊傳園內卉木最勝桂花十餘株開時香聞數里今不可覩矣道光十三年知縣周際華重修抱廳三楹廳後增建三楹星聚堂在孟莊爲郭子迓熙別業當風日清和孫夏峯

先生命駕往遊諸門人執經問難郭子載酒具饌以饗
蓋若堯夫之行窩云湯文正公爲之記孟大納採訪
雪亭在夏峰兼山堂東偏爲

國朝魏蓮陸先生讀書處孫徵君講道夏峰蓮陸以泗洲
牧掛冠負笈從遊結茅爲屋柏鄉魏裔介顏日雪亭

留琴堂吏部考功郎劉公誠體仁工詩善琴曾至蘇門
依孫徵君因築室徵君所居之側久之遺所攜一琴於
室而去因名留琴堂遺址無考傅培梧採訪

飛虹橋在清暉閣南構石爲之長數丈遠望若虹邑令
滑彬建乾隆十五年重修道光十三年知縣周際華再
修又創建飛虹亭一座船房四楹

輝縣志

卷四

地理 古蹟

三

雲橋在清暉閣西構石爲之石似雲形故名邑令滑彬
移建閣南數十武橋久廢道光十三年知縣周際華立
其石於船房之西

振衣亭在蘇門山腰道光十四年知縣周際華新改山
路蜿蜒曲折建此亭以爲憩足之所

坊表附

古共城坊在縣治前舊爲宣化門明隆慶二年知縣王
自修創建扁曰古共城康熙十八年知縣陳謨重建

激揚坊在察院前久廢

儒林坊在儒學前久廢

德配天地道冠古今坊在文廟東西今易以門

子在川上坊在蘇門山

聖廟前

百泉書院坊在書院大門外久廢

敬敷文教樂育英才坊在書院坊左右久廢

奎光坊為舉人王裕建以下至師帥坊在城內俱久廢

步蟾坊為舉人魏健建

騰霄坊為舉人張能建

凌雲坊為舉人柴雍建

應奎坊為舉人李暹建

登科坊為舉人李文泰建

世科坊為舉人李可登建

繡衣坊在大街明宏治十四年為御史陳玉建

輝縣志

卷四

地理

坊表

三

翰苑坊在大街宏治十四年為翰林院待詔李文泰建

賢科坊為舉人龔景建龍躍坊為舉人王迺建

繩武坊在大街嘉靖十年為進士李傑孫舉人李東建

褒榮坊在大街嘉靖二十八年為勅封文林郎王煦建

黃甲坊在大街嘉靖三十五年為舉人王同倫建

青雲坊在大街嘉靖三十七年為舉人王同文建

五馬坊在大街明隆慶元年為知府龔國建

橋梓坊在後街隆慶五年為舉人王迺子舉人王同文

進士王同倫建

鍾英坊在東門內明萬歷元年為舉人郭在德建

參貳坊在南街萬歷十一年為叅議崔斗瞻建

師帥坊在大街萬歷三十四年為知府冀守謙建

貞節坊在西夏峯明崇禎二年為生員王夢賚妻李氏

建

貞節坊在南新街康熙四十九年為生員王景堯妻孫

氏建

貞節坊在奎光樓前乾隆二年為張師孔妻馬氏建

彰善坊在東關外乾隆六年建久廢

貞節坊在東夏峯乾隆八年為舉人孫用霖妻劉氏建

貞節坊在東夏峯乾隆十年為鹿滋妻孔氏建

貞節坊在常村乾隆十六年為生員郭惠妻孫氏建

貞節坊在楊閭村乾隆二十二年為楊名杰妻孫氏建

輝縣志

卷四

地理

坊表

三

孝子坊在東夏峯乾隆二十二年為孝子孫用正建以上

舊志

安樂窩坊在蘇門山邵子祠前上題手探月窟足躡天

根孟大炳探訪

貞節坊在南程村乾隆七年為王良卿妻楊氏建郭曉探訪

貞節坊在柳林東乾隆三十三年為郭安妻魏氏建趙入

元探訪

貞節坊在余村乾隆四十三年為吳維振妾趙氏建

貞節坊在東夏峯乾隆二十三年為王銑妻牛氏建

貞節坊在大官莊乾隆四十七年為李延胤妻王氏建

貞節坊在東關乾隆四十八年為張守福妻陳氏建

貞節坊在廟溝村乾隆五十七年為張鎮妻李氏建

貞節坊在請下佛小營嘉慶二年為魏廷光妻牛氏建

貞節坊在獅子路口嘉慶八年為馬柱妻曹氏建

貞節坊在前姚村道光二年為施政妻徐氏建

貞節坊在南姚固村道光二年為趙楷妻孫氏建以上孟大

炳採

貞節坊在嶺西村道光三年為趙思廉妻王氏建任文煥採

訪

貞節坊在河北村道光八年為霍成妻岳氏建葛向榮採訪

備材毓俊坊在城裏書院前道光十一年創建

貞節坊在南關新鄉路道光十三年為劉玉堂妻黃氏

輝縣志

卷四

地理

坊表

三

建姚書林採訪

風俗方言附

漢地理志云剛強多豪傑

文獻通考云性緩尚儒仗氣任俠

元地理志云民情頗事商賈地饒俗淳勤於播種孝弟

之行有聞於時

明舊志云君子崇尚禮文小人好飲而直婚姻喪葬有

相周之義

明續志云風俗淳厚而人性戇直君子守正不阿細民

倔彊難悟

河南通志云男尚節介女多勁烈有共妻之風

國朝續志云土沃而民淳然人情好惰穡事從天豐年不知節蓄歎歲無以自存愚夫愚婦每至輕生更有遺棄天亡子女恩義薄劣獨婚如喪葬尙知由禮

禮節

婚禮媒妁議定先送一紅柬名曰知帖言先令女家知曉也次以男女年庚名氏三代書於紅箋兩家互換名曰庚帖蓋倣古人問名之禮

既成婚行納徵禮男家備綵緞首飾羊酒油果之類送至女家名曰納聘又名曰送啟間有一二論財者則人非笑之士大夫家無有也女家亦以回啟答之

親迎之禮貴賤不廢是日婚家備祭品祭告女之祖廟

輝縣志

卷四

地理 一 風俗

三

名曰告采壻親迎必用長者一人前導名曰引禮親迎禮畢御輪先歸至家拜天地合巹三日廟見皆猶近古三日廟見後女卽於是日歸寧名曰回面又曰回門壻亦與同往是日壻拜見女之父母娶之第九日女家以車接女回家名曰叫九數日後仍送至壻家名曰送九喪禮始死披跣纒經寢苫枕由士民皆然送七日哭奠至五七而止以七爲陽數子於親死奠其還陽也五七之日親友同來助奠士紳之家於是日請親友中生監六人着公服爲之贊禮名曰禮相尙有祭至七七者至百日亦必祭奠總欲以多爲勝雖糜費不惜也葬之日門前必設鼓樂有親友來弔者則以白布爲山

跪進之名曰送孝。葬時官長者祀土地書木主下誌石仍請禮相贊禮。知禮者旁坐觀禮名曰高明。每祭必用禮相贊。明曰遷柩曰安靈曰啟門曰朝奠曰夕奠曰起靈曰視載曰落靈。至下壙而止。葬後之禮曰回主曰安主。總欲多行祭奠以盡人子之心。葬之明日卽行虞祭。然僅初虞而止。再虞三虞鮮有行者。

葬時以布或帛圍棺名曰棺罩。或用紙以五采飾之。自始死以至葬。焚燒紙錢金箔。用一瓦盆名曰勞盆。葬時用親人擲破之。以示不再用也。

期而小祥必行祭奠之禮。名曰週年。親族亦同來祭奠。再期大祥名曰二週年。祭奠亦然。至三期則名曰三週年。其祭奠之禮較初二次尤必加隆。士紳之家於禫服三月之後舉行稅服禮。至是日則阜服不杖哭奠盡哀。至庶民之家拘守三年之喪。恒於是日始稅喪服。名曰換孝。雖愚者之過。然亦可見風俗之淳也。

右所載喪禮雖不盡如禮。尚不乖於古道。唯始死之日爲子者卽率族人男婦同詣土地神廟。以素紙一片壓於廟前。名曰壓紙。親屍在床則置而不顧。如是者三次。乃安居喪次。守屍又始死卽請陰陽生推出魂時。日至期棄屍床上。合家避出不留一人。逾時始歸。斯二者皆理實甚然。習俗所沿不能遽革。又仕紳之家多有停柩至三年五年或十餘年不葬者。亦爲違禮。司風化者當

思有以變易之也

歲時

正月元旦雞鳴而起祭奠天地神祇祖先謂之祝歲次拜父母及各尊長謂之拜年尊長以錢賜卑幼者名曰壓歲錢

立春前一日邑令率在城各官迎春東郊至日出土牛擊之曰打春

立春之日雜切五辛生菜名曰咬春

初五日俗呼爲破五欲有所作爲必過此日始行之初七日邑中紳民於東門外高子羔祠中致祭爲團拜也先是夏峯先生於烟壑寺行之此倣其遺意

輝縣志

卷四

地理

風俗

三

元宵張燈城內極盛遠近遊賞或更爲鰲山烟火等戲十六日婦女出遊名曰走百病縣署有共姜祠必入而謁神後因出入不便另建於百泉之上

十九日爲填倉日貲財必謹卽人口亦不輕令出入二月初二日俗謂爲龍抬頭又或以黏餠相遺

清明節門插新柳小兒或結細圈載之頭上邑民皆祭先祠祭墓墓上皆添新土

四月初八日祭衛源神廟四方貿易者皆至南北藥材亦聚十餘日始散

五月初五日爲端陽節門前插艾或戴之以避惡氣食角黍飲雄黃酒或以角黍相贈雜以儀物謂之追節

六月初六日爲天祝節俗於是日晒書晒衣
七月初七日乞巧

七月內婦女多蒸麪羊以遺卑幼名曰送羊

十五日爲中元節俗於是日祭先祠祭墓或放路燈放
河燈以照孤魂亦古人設盂蘭盆之意

八月中秋節以瓜果月餅相遺

九月九日或登高或賞菊習以爲常

十月初一日祭先祠祭墓以紙作衣履焚之謂之送寒
衣

十一月冬至日食饅餛

十二月二十三日祭竈神供以白雄雞餠糖

輝縣志

卷四

地理

風俗

三

除夕換桃符以紙爲之名曰門神衣冠拜神祇祖先尊
長名曰辭歲一家團坐佐以酒菓名曰守歲

右所載一邑之風多有近古者惟三月二十八日闔境
愚民皆詣城隍廟燒香或因父母翁姑有病許願身帶
鐵索謂之帶重男女叢雜實爲惡風邑令周際華屢年
禁止漸次收斂

方言

附
河 凡於水之長流者統謂之河

爹 呼父曰爹

娘 呼母曰娘呼伯母曰大娘

爺 呼祖曰爺呼曾祖曰老爺呼伯父曰大爺

妞 呼稚子曰妞

的腦 頭也

膈膊 肱也

家什 謂物用曰家什什音如四

晒寒地 一年一種者為晒寒地晒音如煞一歲再種

者曰舍地舍音如茶

中宮 俗於天井築土為臺以祀神名曰中宮所以報

土神也或於宅內東北隅為之亦取艮方屬土之意今

多兼祀天地失之僭矣

上房 俗謂主房為上房

剗瓦房 但用仰瓦不用合瓦名剗瓦房

輝縣志

卷四

地理 方言

蓋的 被也

鋪的 褥也

夾攪 胡纏厮混也

物那兒 遙指彼處也

割裂 不循正理

顆粒 爽利也

潑刺 刺音辣凡謂物之飛動者曰潑刺

覓頭 謂僱工曰覓頭又曰把勢又曰大掛

填房 女子嫁於再婚之男為填房

依模似樣 謂兩物相同也

不出奇 言不佳也

妃角 女子髻名

不團 贅疣之小者

囉 相詰問又不平之意

撲漉 鳥飛聲

絡索 不爽快之意

懵懂 糊突也

刮刷 搜尋淨盡也

各倒 厮混也又不爽快之意

嘎 甚麼也

各星 小雨也

嚼咄 嚼物有聲也嚼音如谷咄音如卓

輝縣志

卷四

地理

方言

三

麻纏 牽扯也

物產

穀之屬稻秈稻糯稻早稻名品最多 黍有白紅黎三

色 稷梁粟色有青白紅黃名有木月鮮溜沙白等皆

佳他如龍爪兔蹄雞腸鼠尾隨象立名動以百計 麥

大麥玉麥蕎麥 菽黃豆黑豆青豆白豆菜豆茶豆豌豆

豆扁豆刀豆眉豆蠶豆花斑豆五色小豆紅江豆白江

豆黎江豆菜江豆龍爪豆 秣粟芝麻黃白黑三色

蔬之屬芹芥葱韭薤笋蒲菱茄瓠薺蔓菁白菜蘿苣菠

菘莞菱蒼蓬蒿苣蒿苣鹿葱甘露薯蕷土豆葫蘆菜

臺 山之所產薇蕨香蕈蕪菇木耳山藥 水之所產

藕芋瓜慈姑芋薺至蒜則比他邑獨美

瓜之屬東瓜西瓜南瓜北瓜甜瓜苦瓜黃瓜絲瓜菜瓜
木瓜佛手橘柑亦間有之

果之屬桃杏梅柿梨奈核桃葡萄櫻桃榿棗沙果花紅
銀杏地梨 從來輝棗輝榴著名而山栗核桃輝李菱
角蓮子亦品之最佳者

木之屬松柏檜椿槐榆柳桑柘楮棘荆檀楓檟榭櫟楸
桐梓楊樺柞青楊白楊青桐合歡椹馬赤木黃棟品類
甚多而黃棟之葉與椹殼可以染皂赤木可以染紅黃
梨可以染黃山楂可以染紫皆有裨於民用者

花之屬萱葵薔薇荼蘼月季金盞玉簪雞冠鳳仙石竹
牡丹芍藥蠟梅玫瑰山丹夜合凌霄紫薇海棠秋海棠
貼梗海棠木香七里香四季桂四季榴四季槐皆勝他
邑

草之屬蘭莎茅艾蒿蓬苜蓿馬蘭 水有蘋藻荇蓼萍
蒲 山有黃蓍可以乘屋耐久皆品之佳者

藥之屬多產於山黃精知母天冬麥冬黃芩蒼朮大黃
桔梗柴胡升麻防風木通葛根草烏藁本瓜蒌連翹山
查猪苓何首烏五靈脂夜明沙山茱萸五味子淫羊藿
亦有平地者蒼耳木賊地黃紫蘇薄荷荆芥山藥枸杞
蒲黃地丁香附旱草蘇子車前子金銀花旋覆花益母草

輝縣志

卷四

地理

物產

三

稀蒼草地骨皮天花粉兔絲子柏子仁酸棗仁種類甚多

禽之屬雉鳧鵠鳩鴉雀鴉鴉雞鴨鴿烏鷹燕鶯鶉鷓鴣鴟鴞鵲鸚鵡黃鸝鷺鷥鷓鴣鸚鵡畫眉啄木號寒布穀鴛鴦鴛練雀鴉鴉翡翠伯勞老鴿

獸之屬虎豹牛馬驢騾猪羊猫狗鹿獐麇猿猴豺獾狼獾狐兔鼠熊

鱗之屬鯉鯽鱖魴鰱鮎鮓白鱖青魚鰕

介之屬蚌螺鼈蛙蛭蝸牛

蟲之屬蠶蜂蟬蟻蚊螢蠅蠊蛾蝟蝻蛄蝻蝻虎蜘蛛蚯蚓蜻蜒蝟蚰蚰守宮蝴蝶蟋蟀螳螂蝻蝻蝻蝻

輝縣志

卷四

地理

物產

三

尺蠖螽斯蝦蟆 山有蟒烏蛇最爲害全蝎比尋常蝎

多兩足入藥用

食用之屬蜂蜜黃蠟花椒小茴香蒔蘿布絹棉縲麻紅

花藍靛繭絲綿細麻頭紙 山所產以炭煤石灰爲最

水所產以竹葦蘆荻爲最

案孫氏志稿曰孟子言王政不過穀與魚鼈不可勝食材木不可勝用而已輝邑平壤宜五穀高山宜材木水田宜稻稔又有竹蒟魚鱉之利蔬菜菓瓜之產且他邑咸取資焉而民之貧也特甚職思其故耕耘不足以盡地力水利不足以給灌溉山林旦旦而伐根株並盡魚蝦小利亦且纖悉不遺本旣竭矣末於何存此目前宜

拯救之急務也

輝縣志

卷四

地理

物產

風俗

